

Na osnovu člana 15. stav (5) Zakona o oružju i municiji u Hercegovačko-neretvanskom kantonu („Službene novine Hercegovačko-neretvanskog kantona , broj: 5/17) ministar unutrašnjih poslova na prijedlog komesara, donosi

P R A V I L N I K **O PROGRAMU OBUKE I NAČINU OSPOSOBLJAVANJA** **ZA PRAVILNO RUKOVANJE, DRŽANJE I NOŠENJE ORUŽJA**

DIO PRVI – OPĆE ODREDBE

Član 1. **(Predmet)**

Ovim Pravilnikom propisuje se Program obuke i način osposobljavanja za pravilno rukovanje , držanje i nošenje oružja (u daljem tekstu: Program), te posebni uslovi koje moraju ispunjavati stručne ovlaštene organizacije koje se mogu baviti obukom u rukovanju vatrenim oružjem.

Član 2. **(Uslovi za obavljanje obuke)**

(1) Obukom se u skladu sa Zakonom o oružju i municiji u HNK-a (u daljem tekstu: Zakon) može baviti stručna ovlaštena organizacija (u daljem tekstu: „ovlaštena organizacija“) koja može biti streljačka odnosno druga organizacija i ustanova koja posjeduje odobrenje Ministarstva unutrašnjih poslova Hercegovačko-neretvanskog kantona (u daljem tekstu: ministarstvo) i ispunjava sljedeće propisane uslove za provođenje obuke:

- a) odgovarajuće strelište za obuku, prostoriju za čuvanje vatrenog oružja i municije i prostoriju za teorijski dio obuke,
- b) oružje za obuku ,
- c) nastavna sredstva za obuku,
- d) stručni kadar za provođenje obuke i
- e) druge uslove propisane ovim Pravilnikom.

(2) Ispunjavanje uslova iz stava (1) ovog člana utvrđuje posebna Komisija, koju imenuje ministar na prijedlog komesara.

Član 3. **(Pojmovi)**

Pojedini pojmovi upotrijebljeni u ovom Pravilniku imaju sljedeće značenje:

a) „strelište za obuku“ je posebno izgrađeni prostor za izvođenje gađanja vatrenim oružjem (u daljem tekstu: strelište), koji ispunjava uslove propisane Zakonom i Pravilnikom o prostornim i tehničkim uslovima civilnih strelišta , te drugim pozitivnim propisima kojima je regulisana ova oblast.

b) „oružje za obuku“ čini vatreno oružje one vrste za koje se sprovodi obuka, sa odgovarajućom municijom.

c) „nastavna sredstva za obuku“ čini oprema neophodna za sprovođenje obuke u skladu sa Programom (mete, školska municija, antifoni, sredstva za čišćenje oružja, zaštitne naočale i dr.).

Član 4. (Stručni kadar)

Stručni kadar za provođenje obuke podrazumijeva da ovlaštena organizacija mora imati predavače i instruktore koji imaju odgovarajuću stručnu spremu i iskustvo, i to:

a) predavač za oblast “Pravni aspekt držanja, nošenja i upotrebe vatrene oružja” – završen pravni fakultet sa tri godine radnog iskustva ili završen kriminalistički fakultet u obimu od najmanje 240 ECTS bodova i pet godina radnog iskustva u policijskim agencijama.

b) instruktor za oblast „Rukovanje i gađanje vatrene oružjem”, – najmanje srednja stručna sprema - IV stepen i pet godina radnog iskustva na poslovima ovlaštenog službenog lica u policijskim agencijama, koji podrazumijevaju obučenosť u rukovanju i praktičnom gađanju vatrene oružjem ili lice sa predviđenom stručnom spremom i iskustvom na poslovima instruktora, trenera streljaštva ili rangiranog sportiste streljačkog sporta.

DIO DRUGI – PROGRAM I NAČIN OSPOSOBLJAVANJA

Član 5. (Odobrenje za provođenje obuke)

- (1) Zahtjev za izdavanje odobrenja za provođenje obuke podnosi se ministarstvu i sadrži:
 - a) naziv, sjedište i djelatnost ovlaštene organizacije,
 - b) ime i prezime, jedinstveni matični broj i adresu prebivališta ovlaštenog lica u ovlaštenoj organizaciji,
 - c) spisak vatrene oružja po vrstama za koje će se sprovoditi obuka.
- (2) Uz zahtjev iz stava (1) ovog člana ovlaštena organizacija prilaže:
 - a) rješenje o registraciji ovlaštene organizacije,
 - b) dokaz o jedinstvenom identifikacionom broju organizacije koja namjerava da sprovodi obuku,
 - c) dokaz da su obezbijedeni: strelišta, prostorije, oružje za obuku i nastavna sredstva, u skladu sa ovim Pravilnikom,
 - d) spisak predavača i instruktora, kao i dokaze o njihovoj stručnoj spremi i propisanom iskustvu za provođenje obuke te dokaz o angažovanju u ovlaštenoj organizaciji.
- (3) Kada komisija iz člana 2. stava (2) ovog pravilnika utvrdi da su ispunjeni propisani uslovi, ministar donosi rješenje kojim odobrava provođenje obuke.
- (4) Ministar će rješenjem oduzeti odobrenje za provođenje obuke ukoliko prestane neki od uslova iz stavova (1) i (2) ovog člana, koji su propisani za dobivanje odobrenja.

Član 6.
(Program obuke)

- (1) Obuka se sastoji od teorijske i praktične nastave u trajanju od 14 nastavnih sati (po 45 minuta) prema nastavnim cjelinama propisanim u Programu.
- (2) Program obuke za rukovanje vatrenim oružjem nalazi se u Prilogu ovog Pravilnika i čini njegov sastavni dio.

Član 7.
(Prijava za obuku)

- (1) Prijava za obuku po Programu obuke iz člana 6. ovog Pravilnika podnosi se ovlaštenoj organizaciji na obrascu broj 1. koji je sastavni dio ovog Pravilnika.
- (2) Kandidat koji pristupa obuci dužno je ovlaštenoj organizaciji kod koje pristupa obuci priložiti na uvid identifikacioni dokument sa fotografijom i ovjerenu kopiju uvjerenja o zdravstvenoj sposobnosti za držanje i nošenje oružja (ne starije od šest mjeseci).

Član 8.
(Pohađanje obuke)

- (1) Nakon provedenog teorijskog i praktičnog dijela obuke, ovlaštena organizacija izdaje kandidatu koji je pohađao obuku potvrdu o urednom pohađanju obuke kojom se potvrđuje da je kandidat pohađao obuku. (obrazac br.2.).
- (2) Kandidat koji ima potvrdu o položenom ispitu o osposobljenosti za pravilno držanje, nošenje i rukovanje oružjem jedne vrste prilikom pohađanja obuke za rukovanje vatrenim oružjem druge vrste pohađa samo praktični dio obuke i pristupa praktičnom dijelu provjere znanja za tu vrstu oružja.

DIO TREĆI – PROVOĐENJE ISPITA

Član 9.
(Prijava za polaganje)

- (1) Kandidat, nakon završene obuke iz člana 6. ovog Pravilnika, pristupa polaganju ispita o osposobljenosti za pravilno držanje, nošenje i rukovanje oružjem (u daljem tekstu: polaganje ispita).
- (2) Prijava za polaganje ispita podnosi se Komisiji za provjeru znanja o pravilnom držanju, nošenju i rukovanju oružjem (u daljem tekstu: Komisija).
- (3) Prijava za polaganje ispita podnosi se na obrascu broj 3. koji je sastavni dio ovog Pravilnika.
- (4) Uz prijavu za polaganje ispita kandidat dostavlja potvrdu o urednom pohađanju obuke .
- (5) Komisija će u svom radu prihvatati potvrde o urednom pohađanju obuke izdate od ovlaštenih organizacija na području BiH.

Član 10.
(Komisija)

- (1) Komisiju imenuje ministar na prijedlog komesara.
- (2) Komisiju sačinjavaju predsjednik i četiri člana koji imaju zamjenike i koji su zaposlenici ministarstva , od kojih su tri člana iz reda policijskih službenika sa činom inspektor ili većim činom , a dva iz reda državnih službenika od kojim jedan mora biti sa završenim pravnim fakultetom.
- (3) U radu Komisije može učestvovati najviše jedan zamjenik člana.
- (4) Članovi i zamjenici članova Komisije se imenuju na vremenski period od dvije godine, i mogu biti ponovo birani.

Član 11.
(Način rada Komisije)

- (1) Provjera znanja sastoji se iz teorijskog i praktičnog dijela.
- (2) Iz svake oblasti kandidat dobiva po tri pitanja.
- (3) O provjeri znanja svakog kandidata vodi se zapisnik, u koji se unose podaci:
 - a) ime i prezime kandidata te podaci o jednom roditelju,
 - b) datum rođenja,
 - c) mjesto, općina, grad i država rođenja,
 - d) jedinstveni matični broj,
 - e) adresa stanovanja,
 - f) serijski broj javne isprave kojom je provjeren identitet kandidata,
 - g) broj potvrde o urednom pohađanju obuke i naziv ovlaštene organizacije u kojoj je kandidat pohađao obuku,
 - h) mjesto i vrijeme provjere znanja ,
 - i) pitanja koja su postavljena kandidatu,
 - j) ocjenu iz svake oblasti ,
 - k) ukupnu ocjenu Komisije o uspjehu kandidata,
 - l) imena i potpise članova Komisije.
- (4) Dokumentacija sa zapisnikom o provjeri znanja kandidata čuva se pet godina.

Član 12.
(Način ocjenjivanja)

- (1) Ocjene iz svake oblasti posebno, kao i ukupna ocjena su: “zadovoljava” i “ne zadovoljava”.
- (2) Ukupnu ocjenu “zadovoljava” dobiva kandidat koji takvu ocjenu dobije iz svih oblasti.
- (3) Kandidatu koji dobije ukupnu ocjenu “zadovoljava” Komisija izdaje Uvjerenje o položenom ispitu o osposobljenosti za pravilno držanje, nošenje i rukovanje oružjem na obrascu broj 4. koji je sastavni dio ovog Pravilnika.
- (4) Kandidat koji iz jedne oblasti dobije ocjenu “ne zadovoljava” može ponovo, u roku od 30 dana od dana ispita, da se prijavi za provjeru znanja iz te oblasti, bez ponovnog pohađanja obuke.

- (5) Kandidat koji iz više oblasti dobije ocjenu “ne zadovoljava”,kao i kandidat koji na ponovljenoj provjeri znanja dobije ocjenu “ne zadovoljava” ponovo pohađa kompletnu obuku i pristupa cjelokupnoj provjeri znanja.
- (6) Kandidat koji iz opravdanog razloga prekine pohađanje obuke ili ne pristupi provjeri znanja, može u roku od 30 dana od prekida nastaviti pohađanje obuke, odnosno pristupiti provjeri znanja.
- (7) Ukoliko kandidat bez opravdanog razloga prekine pohađanje obuke ili ne pristupi provjeri znanja, smatra se da nije pohađao obuku.

DIO ČETVRTI – EVIDENCIJE

Član 13.

(Evidencije koje vode ovlaštene organizacije)

Ovlaštene organizacije iz člana 2. ovog Pravilnika dužne su voditi i trajno čuvati evidencije o:

- a) nabavljenom oružju i municiji,
- b) utrošenoj municiji,
- c) polaznicima osposobljavanja ,
- d) održanoj teoretskoj i praktičnoj nastavi i prisutnosti polaznika na nastavi,
- e) izvedenom programu osposobljavanja,
- f) izdanim potvrdama o završenom osposobljavanju,
- g) provedenom gađanju (dnevnik gađanja).

Član 14.

(Evidencije o položenom ispitu)

- (1) Komisija iz člana 10. ovog Pravilnika dužna je voditi evidenciju o položenom ispitu o osposobljenosti za pravilno držanje, nošenje i rukovanje oružjem.
- (2) Evidencija iz stava (1) nalazi se na obrascu broj 5. i sastavni je dio ovog Pravilnika, a sadrži sljedeće rubrike:
 - a) redni broj,
 - b) prezime (ime oca) i ime podnosioca prijave,
 - c) jedinstven matični broj građana,
 - d) datum podnošenja prijave,
 - e) datum polaganja,
 - f) rezultat ispita - zadovoljava/ne zadovoljava,
 - g) imena članova Komisije ,
 - h) primjedbe.

DIO PETI – PRIJELAZNE I ZAVRŠNE ODREDBE

Član 15.

(Troškovi polaganja)

Troškovi polaganja ispita o osposobljenosti za pravilno držanje, nošenje i rukovanje oružjem padaju na teret podnosioca zahtjeva, a određuje ih ministar MUP-a HNK-a rješenjem.

Član 16.
(Stupanje na snagu)

Ovaj Pravilnik stupa na snagu osmog dana od dana objave u “Službenim novinama Hercegovačko – neretvanskog kantona”.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
MINISTARSTVO UNUTRAŠNJIH POSLOVA

Broj:
Datum:

MINISTAR

Sladan Bevanda

Prilog:**PROGRAM OSPOSOBLJAVANJA GRAĐANA ZA PRAVILNO RUKOVANJE
VATRENIM ORUŽJEM , DRŽANJE I NOŠENJE ORUŽJA****I – TEME I PITANJA ZA TEORIJSKI DIO**

	NASTAVNE TEME	Broj sati
	OSNOVE ZAKONSKIH ODREDBI ZAKONA O ORUŽJU <ul style="list-style-type: none">• osnovne odredbe Zakona o oružju• kategorizacija oružja• nabavljanje oružja i municije i isprave o oružju ,• postupanje sa oružjem i municijom ,• oduzimanje oružja , municije i isprava o oružju,• kaznene odredbe Zakona o oružju koje se odnose na građane.	2
	ZAKONSKI USLOVI ZA UPOTREBU VATRENOG ORUŽJA <ul style="list-style-type: none">• nužna odbrana,• krajnja nužda• postupak nakon upotrebe vatrenog oružja,• kažnjive radnje koje nastaju nezakonitom upotrebom vatrenog oružja	2

II – RUKOVANJE I GAĐANJE VATRENIM ORUŽJEM

	NASTAVNE TEME	Broj sati
	SIGURNOST PRI RUKOVANJU VATRENIM ORUŽJEM <ul style="list-style-type: none">• primarne mjere sigurnosti• sekundarne mjere sigurnosti• sigurnost pohranjivanje oružja• sigurnosne procedure i postupci s vatrenim oružjem• sigurnost nošenja vatrenog oružja• sigurnost na strelištu	2
	KRATKO I DUGO VATRENO ORUŽJE <ul style="list-style-type: none">• taktičke i tehničke karakteristike kratkog i dugog vatrenog oružja• glavni dijelovi• sistemi za osiguranje oružja• funkcionalne poluge• sistemi okidanja• održavanje vatrenog oružja	2
	OSNOVE VJEŠTINE GAĐANJA <ul style="list-style-type: none">• hvat i držanje oružja• stavovi za gađanje• nišanjenje• okidanje	1

	PRAKTIČNE VJEŽBE U RUKOVANJU VATRENIM ORUŽJEM <ul style="list-style-type: none"> • mjere i radnje pri provjeri napunjenosti oružja • upotreba funkcionalnih i sigurnosnih poluga • rastavljanje i sastavljanje • okidanje 	2
--	--	---

II TEME I ZADACI ZA PRAKTIČNI DIO

Gađanje vatrenim oružjem – 3 nastavna sata

R/B	Vrsta oružja	Meta	Daljina i stav	Metak	Rezultat
a)	Pištolj ili revolver	sportska, kružna meta R50 cm	15m, stojeći stav	5 metaka probnih i 10 metaka za ocjenu	najmanje tri pogodaka u metu
		siluetna meta B27 48 x 65 cm	10 m, stojeći stav	10 metaka za ocjenu	najmanje pet pogodaka u metu
b)	Malokalibarska puška	sportska, kružna meta R50 cm	50 m, ležeći stav	5 metaka probnih i 10 metaka za ocjenu	najmanje pet pogodaka u metu
		sportska, kružna meta R50 cm	25 m, stojeći stav	10 metaka za ocjenu	najmanje pet pogodaka u metu
c)	Lovački karabin	sportska, kružna meta R50 cm	100m, ležeći stav	5 metaka probnih i 10 metaka za ocjenu	najmanje pet pogodaka u metu
		sportska, kružna meta R50 cm	50 m, stojeći stav	10 metaka za ocjenu	najmanje pet pogodaka u metu
d)	Puška sa neolučenom cijevi	sportska, kružna meta R50 cm	30 m, stojeći stav	5 patrona sa sačmom promjera najmanje 5 mm	najmanje 50% sačme u meti

NAPOMENA: Vlasnici kombinovanog oružja polažu po kriterijumima koji važi za lovačke karabine i puške sa neolučenim cijevima.

Ime (ime oca) i prezime

Datum rođenja

Mjesto i općina rođenja

Adresa stanovanja

JMB : _____

Broj lične karte : _____

Kontakt telefon : _____

Naziv ovlaštene organizacije

PREDMET: PRIJAVA ZA OBUKU

Na osnovu člana 7. Pravilnika o programu obuke i načinu osposobljavanja za pravilno rukovanje, držanje i nošenje oružja, („ Službene novine HNK“ broj: _____), podnosim prijavu za obuku za pravilno rukovanje, držanje i nošenje oružja.

Uz prijavu prilažem sljedeće:

1. Ovjerena kopija uvjerenja o zdravstvenoj sposobnosti, ne starije od šest mjeseci,
2. Lična karta – na uvid.

Datum: _____

Potpis podnosioca prijave:

Naziv ovlaštene organizacije

Broj: _____

Datum: _____

Na osnovu člana 8. Pravilnika o programu obuke i načinu osposobljavanja za pravilno rukovanje, držanje i nošenje oružja („Službene novine HNK“ broj: _____), ovlaštena organizacija _____ izdaje
(naziv ovlaštene organizacije)

**POTVRDU
O POHAĐANJU OBUKE**

Kandidat _____ pohadao
(ime, ime oca i prezime)

je obuku u skladu sa Programom o osposobljavanju za pravilno rukovanje, držanje i nošenje oružja za _____
(vrsta oružja)

u ovlaštenoj organizaciji _____ u
(naziv ovlaštene organizacije)
trajanju od 14 nastavnih sati.

(mjesto i datum)

OVLAŠTENO LICE

M.P.

Ime (ime oca) i prezime

Datum rođenja

Mjesto i općina rođenja

Adresa stanovanja

JMB : _____

Broj lične karte : _____

Kontakt telefon : _____

E-mail _____

**KOMISIJA ZA PROVJERU ZNANJA
O PRAVILNOM DRŽANJU, NOŠENJU I RUKOVANJU ORUŽJEM MUP HNK/Ž**

Na osnovu člana 9. Pravilnika o programu obuke i načinu osposobljavanja za pravilno rukovanje, držanje i nošenje oružja („ Službene novine HNK“ broj: _____), podnosim prijavu za polaganje ispita o osposobljenosti za pravilno držanje, nošenje i rukovanje oružjem.

Dana _____ godine završio sam obuku po Programu obuke za pravilno rukovanje, držanje i nošenje oružja.

Ukoliko je podnosilac zahtjeva ranije izlazio na ispit navesti datum posljednjeg izlaska

Uz prijavu prilažem sljedeće:

1. Potvrda o pohađanju obuke

(Mjesto i datum)

Potpis podnosioca prijave

**BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO NERETVANSKI KANTON
MINISTARSTVO UNUTRAŠNJIH POSLOVA
Komisija za provjeru znanja o pravilnom držanju, nošenju i rukovanju oružjem**

Broj: _____

Datum: _____

Na osnovu člana 15. stav (4). Zakona o oružju i municiji u Hercegovačko-neretvanskom kantonu („Službene novine Hercegovačko-neretvanskog kantona , broj: 5/17), člana 12. stav (3) Pravilnika o programu obuke i načinu osposobljavanja za pravilno rukovanje, držanje i nošenje oružja („ Službene novine HNK“ broj: _____), Komisija za provjeru znanja o pravilnom držanju, nošenju i rukovanju oružjem, i z d a j e

**UVJERENJE
O POLOŽENOM ISPITU O OSPOSOBLJENOSTI ZA
PRAVILNO DRŽANJE, NOŠENJE I RUKOVANJE ORUŽJEM**

(Prezime, ime oca i ime)

rođen/a _____ .godine u _____, opština _____, država
_____ sa prebivalištem u _____, adresa _____, JMB
_____, broj lične karte _____ izdata u _____,
dana _____, položio je ispit o osposobljenosti za pravilno držanje, nošenje i
rukovanje za _____
(vrsta oružja)

pred Komisijom za provjeru znanja o pravilnom držanju, nošenju i rukovanu oružjem.

**PREDSJEDNIK
KOMISIJE**

M.P.

**EVIDENCIJA O POLOŽENOM ISPITU O OSPOSOBLJENOSTI ZA PRAVILNO
DRŽANJE, NOŠENJE I RUKOVANJE ORUŽJEM**

Redni broj	Prezime (ime oca) i ime podnosioca prijave	Jedinstveni matični broj JMB /	Datum podnošenja prijave	Datum polaganja	ZADOVOLJAVA NE ZADOVOLJAVA	Imena članova Komisije	Primjedbe
1	2	3	4	5	6	7	8